

23 IUNIE
RUGACIUNEA
SF. IERARH-MUCENIC
MITROFAN KRASNOPOLSKI
AL ASTRAHANULUI

Молитва

О, священномучениче и исповедниче Христов Митрофане! Услыши слезныя молитвы чад твоих и воздыхания, сердцем сокрушенным и смиренными приносимыя. Се бо беззаконии омрачихомся и того ради бедами, яко тучами, обложихомся.

Но ты, святе Митрофане, понеси, яко сильный, немощи наша, не отлучайся от нас духом, да не разлучимся в конец от любве Божия.

Призри милостивно на предстоящия и молящияся пред святою иконою твоею и вся прошения их во благо исполни.

Ты пред лицом лютых врагов Христовых Истиннаго Бога дерзновенно исповедал еси даже до смерти, молитвою своею укрепи нас,

малодушных, да и мы всегда и всюду
противостанем духу безбожия и лести.

Веруем бо, яко твоих страданий ради за
Отечество и люди русския велие дерзновение ко
Господу имаши.

Его же умоли со святителем Тихоном,
патриархом Всероссийским, да избавит нас
многомилостивый Господь в сии наступившия
дни от обольщения богомерзкаго и злохитраго
антихриста, близ грядущаго, подаст нам
крепость и мужество твердаго исповедания
имени Божия Святаго, да страха ради
диавольскаго не отступим от Спасителя и
Искупителя нашего, от святой Его Церкви, но да
укрепит нас Господь в Православии и
единомыслии даже до смерти исповедати веру
нашу.

Многомилостивый Господь да сохранит твоим
предстательством в мире и безмятежии страну
нашу, да укрепит Святую Церковь нашу
Православную, да не оскудеет она истинными
пастырьми, добрыми делателями, право
правлящими слово Евангельския истины, да
подаст им ревность о спасении пасомых.

Наипаче же моли Господа сил, да возродится
Русская земля святым покаянием и единым

сердцем и едиными усты прославит дивнаго во святых своих Бога, в Троице славимаго Отца, и Сына, и Святаго Духа во веки веков. Аминь.